

Na osnovu čl. 21. stav (5) tačka a) i 23. stav (3) tačka d) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19 i 31/19) i člana 65. stav (5) Zakona o nabavljanju, držanju i nošenju oružja i municije ("Službene novine Kantona Sarajevo", br. 1/18, 13/18 - Ispravka i 30/19), na prijedlog policijskog komesara, uz saradnju sa nadležnim ministarstvima, ministar unutrašnjih poslova Kantona Sarajevo donosi

PRAVILNIK O PROSTORNIM I TEHNIČKIM UVJETIMA CIVILNOG STRELIŠTA

DIO PRVI - OPĆE ODREDBE

Član 1.

(Predmet)

- (1) Ovim pravilnikom propisuju se prostorni i tehnički uvjeti za osnivanje i rad civilnog streljišta, kao i ostala pitanja od značaja za rad civilnih streljišta koje moraju ispunjavati udruženja i savezi upisani u registar udruženja kod nadležnog organa uprave i pravna lica i poduzetnici koji imaju registrovanu djelatnost.
- (2) Odredbe ovog pravilnika ne odnose se na lovačka streljišta koja se upotrebljavaju za gađanje i isprobavanje lovačkog oružja članstva prema propisima o lovstvu.

Član 2.

(Civilno streljište)

- (1) Civilno streljište je otvoreni ili zatvoreni objekat (streljana) koji može biti i vojno streljište dopušteno za civilnu upotrebu, ili drugo službeno streljište namijenjeno sportsko-rekreativnom gađanju i edukaciji, koje ispunjava tehničke i sigurnosne uvjete za upotrebu registrovanog ili prijavljenog oružja propisane ovim pravilnikom.
- (2) Civilno streljište otvorenog tipa vanjskom granicom ograde civilnog streljišta mora biti udaljeno od stambenih, stambeno-poslovnih i poslovnih objekata najmanje 300 metara.
- (3) Odredba iz stava (2) ovog člana ne odnosi se na postojeća vojna i druga službena streljišta koja su data na upotrebu u civilne svrhe.
- (4) Civilno streljište otvorenog tipa koje ispunjava prostorne uvjete iz ovog pravilnika, može sadržavati i sve potrebne elemente za lovačke discipline gađanja, IPSC discipline (International Practical Shooting Confederation - Međunarodna konfederacija praktičnog gađanja) i druge streljačke discipline.

Član 3.

(Ravnopravnost spolova)

Gramatička terminologija korištenja muškog ili ženskog spola u ovom pravilniku podrazumijeva uključivanje oba spola.

DIO DRUGI - OSNIVANJE CIVILNIH STRELIŠTA

Član 4.

(Osnivanje civilnih streljišta)

- (1) Za obavljanje sportske i druge djelatnosti otvorena i zatvorena civilna streljišta mogu osnovati udruženja i savezi upisani u registar udruženja kod nadležnog organa uprave i pravne osobe i poduzetnici koji imaju registrovanu djelatnost, a za to dobiju odobrenje policijske uprave na čijem području imaju sjedište (u daljnjem tekstu: nadležna policijska uprava).
- (2) Uz zahtjev za izdavanje odobrenja iz stava (1) ovog člana, prilaže se:

- a) upotrebna dozvola za novoizgrađena streljišta, a za postojeća streljišta upotrebna dozvola ili zemljišnoknjižni izvadak,
- b) ljekarsko uvjerenje odgovornih osoba koje će neposredno rukovati oružjem u kojem je napisano da su isti sposobni za nošenje oružja,
- c) dokaz da stručni kadar za provođenje obuke ispunjava uvjete iz člana 12. stava (2) ovog pravilnika,
- d) dokaz o korištenju ili vlasništvu poslovnog objekta u kojem su prostorije za smještaj i čuvanje oružja i municije,
- e) ostale dokaze propisane odredbama člana 10. stav (4) Zakona o nabavljanju, držanju i nošenju oružja i municije ("Službene novine Kantona Sarajevo", br. 1/18, 13/18 - Ispravka i 30/19, u daljnjem tekstu: Zakon), pribaviće po službenoj dužnosti nadležna policijska uprava na osnovu izvršenih provjera kod nadležnog suda, nadležnog tužilaštva i organa nadležnog za vođenje kaznenih ili prekršajnih evidencija, a nakon toga, ukoliko iz objektivnih i opravdanih razloga to nije u mogućnosti izvršiti, uputiće podnosioca zahtjeva da tražene podatke dostavi osobno.

Član 5.

(Prostorni uvjeti)

Streljište se gradi tako da se osiguravaju mjere zaštite koje prilikom izvođenja gađanja onemogućavaju izljetanje projektila iz zone ili prostora streljišta kao i po život i zdravlje ljudi štetno odbijanje projektila, odnosno garantira sigurnost osoba unutar i izvan streljišta, garantira da neće doći do neovlaštenog ulaska na streljište i garantira primjenu propisanih mjera zaštite od požara, zaštite od buke i zaštite okoliša (npr. olovo i štetni gasovi).

Član 6.

(Minimalni tehnički i sigurnosni uvjeti streljišta zatvorenog tipa)

- (1) Streljište zatvorenog tipa za kratko vatreno oružje svih kalibara i za dugo vatreno oružje s užlijebljenom cijevi mora biti građeno na zemljištu za koje je pribavljena urbanistička saglasnost, odobrenje za građenje i upotrebna dozvola od nadležnog organa, tako da ispunjava sljedeće uvjete:
 - a) zidovi i strop moraju biti od armiranog betona minimalno C 16/20 (MB 20), debljine najmanje 10 cm ili betonskih blokova s betonskim punjenjem ukupne debljine najmanje 24 cm,
 - b) zidovi, strop i svi dijelovi koji strše unutar streljišta u smjeru putanje zrna moraju biti obloženi 24 mm debelim mekanim drvetom ili sličnim materijalom, zaštićenim vatrootpornim premazom, u cilju sprječavanja odbijanja zrna,
 - c) podna obloga u prostoru za gađanje mora biti od materijala koji se lako održava i ublažava udar zrna,
 - d) unutrašnja visina streljišta mora biti najmanje 300 cm,
 - e) ne smije biti prozora na bočnim zidovima unutar prostora za gađanje,
 - f) kroz urbanističku saglasnost će biti propisane granične vrijednosti i mjere zaštite od buke u skladu s odredbama Zakona o zaštiti od buke ("Službene novine Kantona Sarajevo", broj 23/16), kao i ostale mjere zaštite okoliša i mjere zaštite prirode, u skladu s odredbama Zakona o zaštiti okoliša ("Službene novine Federacije BiH", br. 33/03 i 38/09) i Zakona

- o zaštiti prirode Federacije Bosne i Hercegovine ("Službene novine Federacije BiH", broj 66/13),
- g) za slučaj opasnosti od požara u području streljačke staze moraju biti ugrađena najmanje jedna neprobojna i vatrootporna vrata, koja se otvaraju prema vani,
 - h) građeni hvatač zrna mora biti napravljen od materijala i konstrukcije koji omogućavaju potpuno zaustavljanje zrna bez mogućnosti odbijanja u bilo kojem smjeru, a sva uhvaćena zrna potrebno je sakupiti i na ekološki prihvatljiv način odložiti po završetku dnevne realizacije gađanja,
 - i) ispred hvatača zrna obavezno je postaviti zavjese od gumenih traka ili vertikalnu pregradu visine do 70 cm ili drugo arhitektonski i sigurnosno prihvatljivo rješenje, radi sprječavanja odbijanja ostataka zrna u smjeru strijelca,
 - j) instalacija struje i rasvjetna tijela moraju biti izvedena tako da su sigurno zaštićena od pogodaka zrna, pult za upravljanje rasvjetom, ventilacijom i grijanjem mora se nalaziti izvan prostorije u kojoj se obavlja gađanje, a instalacije plina moraju se nalaziti izvan prostora za gađanje,
 - k) ukoliko se u strelištu nalazi dva ili više streljačkih mjesta za gađanje, između streljačkih mjesta za gađanje, koja moraju biti razmaknuta najmanje 150 cm, mogu biti postavljene neprobojne pregrade koje onemogućavaju proboj od bočno ispaljenog metka, nekontrolisanog kretanja čahura, povrede ili ometanje susjednog strijelca,
 - l) ispred stajaćeg mjesta strijelca na svakoj streljačkoj stazi mora se postaviti pult za odlaganje oružja i municije koji je visine 100 cm i širine najmanje 40 cm, a dubina pulta mora biti minimalno 100 cm i
 - m) stajalište strijelca na streljačkom mjestu mora biti osvijetljeno svjetlom jačine minimalno 300 luksa, a osvijetljenje mete nije određeno i ovisi o vrsti streljačke discipline ili pravila Međunarodne streljačke federacije.
- (2) Dužina staza strelišta mora biti:
 - a) najmanje deset metara za gađanje kratkim vatrenim oružjem,
 - b) najmanje 30 metara za gađanje puškom s glatkom cijevi,
 - c) najmanje 50 metara za malokalibarsku pušku s užlijebljenom cijevi i
 - d) najmanje 50 metara za lovački karabin s užlijebljenom cijevi.
 - (3) Unutar strelišta za vrijeme gađanja mora se osigurati odstranjivanje barutnih plinova i olovne prašine pomoću uređaja za prozračivanje, odnosno ventiliranje, a kapacitet uređaja za prozračivanje, odnosno ventiliranje, mora osigurati da se minimalno deset puta tokom jednog sata izmjeni zrak na strelištu, dok se odvođenje zraka mora obavljati na udaljenosti dva do tri metra ispred streljačkog mjesta i hvatača zrna.
 - (4) Na strelištu iz stava (1) ovog člana zabranjeno je pomicanje streljačkih mjesta u smjeru mete i gađa se samo sa osnovnog mjesta za strijelca.
 - (5) Prilikom gađanja vatrenim oružjem obvezna je upotreba zaštitnih naočala i štitnika za uši.
 - (6) Strelište mora biti opremljeno sredstvima ili aparatima za početno gašenje požara u skladu s propisima o zaštiti od požara.

Član 7.

(Minimalni tehnički i sigurnosni uvjeti strelišta otvorenog tipa)

- (1) Strelište otvorenog tipa za izvođenje gađanja vatrenim oružjem svih vrsta i kalibara mora biti građeno na zemljištu za koje je pribavljena urbanistička saglasnost, odobrenje za građenje i upotrebna dozvola od nadležnog organa, tako da ispunjava sljedeće uvjete:
 - a) da je ograđeno s dva metra visokom ogradom od pletene žice ili drugog materijala,
 - b) prostor strelišta mora se označiti vidljivim znacima upozorenja dimenzija najmanje 45 x 40 cm, s podlogom žute boje i napisanim crnim slovima: "STRELIŠTE, ULAZ ZABRANJEN, OPASNO PO ŽIVOT", koje treba učvrstiti čitavom dužinom ograde najmanje sa svake strane stelišta, na dovoljnim razmacima da bude trajno i jasno vidljivo,
 - c) bočna zaštita i završetak strelišta izvodi se od zemljanog nasipa ili guma zasutih zemljom i pijeskom ili drugog materijala sposobnog da onemogući odbijanje zrna i ugrozi sigurnost strijelca i visine najmanje 300 cm za bočne stranice i 400 cm za završetak strelišta,
 - d) visina i debljina zemljanog nasipa mora onemogućavati prolaz ispaljenog projektila,
 - e) ukoliko konfiguracija strelišta ne dozvoljava korištenje prirodnog hvatača zrna tada se gradi hvatač zrna koji mora biti napravljen od materijala i konstrukcije koji omogućava potpuno zaustavljanje zrna bez mogućnosti odbijanja u bilo kojem smjeru,
 - f) ako postoji zaklon za pokazivača pogotka mora biti izveden ispod ili iznad zemlje:
 - 1) ukoliko je zaklon za pokazivača pogodaka izveden iznad zemlje ili je postavljen bočno od mete, tada mora biti izgrađen od armiranog betona minimalno C 12/15 (MB 15), debljine najmanje 15 cm ili zida od pune opeke opeke debljine najmanje 25 cm obloženog cementnim malterom i
 - 2) ukoliko je izveden ispod zemlje mora biti građen od armiranog betona minimalno MB 25, debljine najmanje deset cm ili zida od pune cigle debljine najmanje 24 cm obloženog cementnim malterom,
 - g) kod otvorenog strelišta podloga od streljačkog mjesta do mete može biti zemljana ili pješćana,
 - h) u pravilu strelište bi trebalo biti okrenuto prema sjeveru u namjeri onemogućavanja da strijelac u bilo kojem momentu bude zaslijepljen suncem,
 - i) ukoliko se na strelištu nalazi dva ili više streljačkih mjesta za gađanje, između streljačkih mjesta za gađanje, koja moraju biti razmaknuta najmanje 150 cm, mogu biti postavljene neprobojne pregrade koje onemogućavaju proboj od bočno ispaljenog metka, nekontrolisanog kretanja čahura, povrede ili ometanje susjednog strijelca,
 - j) strelište je potrebno arhitektonski izvesti tako da uticaj na okoliš bude što manji i
 - k) kroz urbanističku saglasnost će biti propisane granične vrijednosti i mjere zaštite od buke u skladu s odredbama Zakona o zaštiti od buke ("Službene novine Kantona Sarajevo", broj 23/16), kao i ostale mjere zaštite okoliša i mjere zaštite prirode, u skladu s odredbama Zakona o zaštiti okoliša ("Službene novine Federacije BiH", br. 33/03 i 38/09) i Zakona

- o zaštiti prirode Federacije Bosne i Hercegovine ("Službene novine Federacije BiH", broj 66/13).
- (2) Na strelištu iz stava (1) ovog člana zabranjeno je pomicanje streljačkih mjesta u smjeru mete i gađa se samo sa osnovnog mjesta za strijelce. Ukoliko se gađanje vrši u okviru IPSC discipline i ostalih streljačkih disciplina, onda je za strijelca dozvoljeno kretanje na strelištu.
 - (3) Prilikom gađanja vatrenim oružjem obavezna je upotreba zaštitnih naočala i štitnika za uši.
 - (4) Dužina staze strelišta mora biti jednaka dužini staze strelišta iz člana 6. stav (2) ovog pravilnika.

Član 8.

(Utvrdjivanje minimalnih tehničkih i sigurnosnih uvjeta za otvorena i zatvorena civilna strelišta)

U postupku izdavanja upotrebne dozvole za otvorena i zatvorena civilna strelišta postojanje uvjeta iz čl. 6. i 7. ovog pravilnika utvrđuje nadležni organ iz čl. 116. stav (1) ili 117. stav (1) Zakona o prostornom uređenju Kantona Sarajevo ("Službene novine Kantona Sarajevo", br. 24/17 i 1/18).

Član 9.

(Streljačka mjesta)

- (1) Na civilnom strelištu otvorenog tipa gdje se puškama s glatkom cijevi vrši gađanje letućih meta dužina vatrene zone strelišta mora biti najmanje 180 m od linije gađanja.
- (2) U smislu ovog pravilnika, vatrena zona strelišta je isječak kruga koji je opisan streljačkim mjestom kao ishodištem i područjem od 45 stepeni lijevo i desno u smjeru gađanja.
- (3) Na strelištima iz stava (1) ovog člana gdje konfiguracija terena (ogradaeni dio šume, kamenoloma, kotline ili brežuljka) predstavlja dovoljnu zaštitu od slučajnog ulaska u strelišta kao i kada ima izgrađen sistem za skupljanje sačme dužina vatrene zone može biti i 120 m od linije gađanja.
- (4) Obilježavanje streljačkih mjesta na liniji gađanja vrši se u skladu s pravilima propisanim za pojedine streljačke discipline.
- (5) Za streljačku disciplinu "Trap" i srodne streljačke discipline, na tri do četiri metra iza linije streljačkih mjesta mora biti izvedena povratna staza kojom se strijelci obvezno kreću od streljačkog mjesta broj pet prema streljačkom mjestu broj šest.
- (6) Ograda od žice, užeta ili druge prikladne prepreke mora biti povučena na sedam do deset metara iza linije gađanja, unutar kojeg područja se ne smiju nalaziti gledaoci.
- (7) Za streljačku disciplinu "Skeet" i srodne streljačke discipline ograda iz stava (6) ovog članka nalazi se sedam do deset metara iza streljačkog mjesta broj četiri, paralelno s odnosnim pravcem strelišta.
- (8) Na ulazu u područje linije streljačkih mjesta na strelištu mora se istaknuti ploča obavještenja s osnovnim zaštitnim i sigurnosnim upozorenjima, te dozvoljenim vrstama oružja i municije koja su propisana streljačkim pravilima.
- (9) Nivo buke u najbližem stambenom objektu ne smije prelaziti visinu propisanu odredbama Zakona o zaštiti od buke ("Službene novine Kantona Sarajevo", broj 23/16).

Član 10.

(Osobe kojima je dozvoljeno gađanje)

- (1) Vatrenim oružjem na strelištu mogu gađati samo osobe u skladu sa odredbama člana 67. Zakona.
- (2) Troškove gađanja određuje stručna ovlaštena organizacija u skladu sa važećom pravnom regulativom kojom se uređuje oblast formiranja i kontrole cijena.

- (3) Izuzetno od odredbi ovog člana, vazdušno oružje i luk mogu koristiti i djeca starija od 11 godina u skladu s odredbama člana 38. stav (8) Zakona.

Član 11.

(Uvjeti za smještaj i čuvanje oružja i municije)

Na prostor namjenjen za smještaj i čuvanje oružja i municije, baruta i komponenti za punjenje municije, primjenjuju se odgovarajuće odredbe provedbenog propisa kojim je uređena oblast čuvanja i smještaja oružja i municije.

Član 12.

(Stručne osobe)

- (1) Osobe ispred ovlaštene organizacije koje u smislu odredbi ovog pravilnika rukuju oružjem moraju ispunjavati opšte i posebne uvjete za nabavljanje oružja propisane odredbama Zakona.
- (2) Pored uvjeta propisanih u stavu (1) ovog člana, osobe iz stava (1) ovog člana, koje provode obuku, moraju ispunjavati uvjete - minimalno IV stepen stručne spreme i certifikat obrazovne ili stručne ustanove, ili druge odgovarajuće organizacije ili institucije, za certificiranog instruktora za vatreno oružje ili instruktora za pištolj ili pušku.

Član 13.

(Komisije nadležnih policijskih uprava)

- (1) Komisije nadležnih policijskih uprava iz člana 10. stav (8) Zakona, u postupku izdavanja odobrenja za osnivanje civilnog strelišta primjenjuju odredbe Zakona i ovog pravilnika.
- (2) Ukoliko se ukaže potreba nadležna komisija može pribaviti stručno mišljenje od strane nadležnih institucija ili organa.
- (3) Komisija može činjenice bitne za ocjenu postojanja uvjeta utvrđenih ovim pravilnikom utvrditi neposredno na terenu, te preduzeti sve potrebne mjere i radnje za utvrđivanje činjenica bitnih za postupak.
- (4) Nakon obavljenih mjera i radnji iz stava (3) ovog člana Komisija sastavlja zapisnik u kojem se obavezno navode sve činjenice kao i dostavljena i pribavljena dokumentacija iz ovog pravilnika koje su bitne za odlučivanje u postupku osnivanja civilnog strelišta.
- (5) Zapisnik potpisuju predsjednik i članovi Komisije nadležne policijske uprave i stranka kojoj se uručuje jedan primjerak zapisnika.
- (6) Predsjednik Komisije nadležne policijske uprave jedan primjerak potpisanog zapisnika dostavlja i policijskom komesaru Uprave policije Ministarstva unutrašnjih poslova Kantona Sarajevo.

DIO TREĆI - PRELAZNE I ZAVRŠNE ODREDBE

Član 14.

(Prilagodavanje uvjeta poslovanja)

Udruženja i savezi upisani u registar udruženja kod nadležnog organa uprave i pravne osobe i poduzetnici koji imaju registrovanu djelatnost, a koji imaju važeće odobrenje nadležne policijske uprave za osnivanje civilnog strelišta, dužni su uskladiti postojeće prostorne, tehničke i sigurnosne te druge uvjete poslovanja za obavljanje gore navedenih djelatnosti te ih prilagoditi uvjetima koji su propisani odredbama ovog pravilnika a u roku određenom odredbama Zakona, o čemu su obavezni izvijestiti nadležnu policijsku upravu.

Član 15.
(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01-7-05-6262/19
08. januara 2020. godine

Ministar
Admir Katica, s. r.

GRAD SARAJEVO

Gradonačelnik

Na osnovu člana 4. Zakona o ministarskim, vladinim i drugim imenovanjima u Federaciji Bosne i Hercegovine ("Službene novine Federacije BiH", br. 12/03, 34/03 i 65/13), člana 38. Statuta Grada Sarajeva ("Službene novine Kantona Sarajevo", broj 34/08 - prečišćeni tekst) i člana 9. Odluke o osnivanju Javne ustanove "Muzej savremene umjetnosti ARS AEVI Sarajevo" ("Službene novine Kantona Sarajevo", broj 49/17), a u vezi sa članom 34. Zakona o ustanovama ("Službeni list R BiH", broj 6/92, 8/93 i 13/94), Gradonačelnik donosi

ODLUKU

O DOPUNI ODLUKE O IMENOVANJU ČLANOVA NADZORNOG ODBORA JAVNE USTANOVE "MUZEJ SAVREMENE UMJETNOSTI ARS AEVI SARAJEVO"

I

U tač. I Odluke o imenovanju Nadzornog odbora Javne ustanove "Muzej savremene umjetnosti ARS AEVI Sarajevo"

broj 01/04-34-5502-4/19 od 18.11.2019. godine, u prvoj alineji, iza zarez dodaje se riječ "predsjednik", a u drugoj i trećoj alineji iza zarez dodaje se riječ "član".

II

Ova odluka stupa na snagu danom donošenja i čini sastavni dio Odluke o imenovanju Nadzornog odbora Javne ustanove "Muzej savremene umjetnosti ARS AEVI Sarajevo" broj 01/04-34-5502-4/19 od 18.11.2019. godine.

III

Odluka će se objaviti u "Službenim novinama Kantona Sarajevo".

Broj 01//04-34-5502-5/19
26. novembra 2019. godine
Sarajevo

Gradonačelnik
Mr. **Abdulah Skaka**, s. r.

OPĆINA CENTAR

Općinsko vijeće

Na osnovu člana 2.12. stav (5) Izbornog zakona Bosne i Hercegovine ("Službeni glasnik BiH", broj 23/1, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), člana 7. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini - Prečišćeni tekst ("Službeni glasnik BiH", broj 29/18) i člana 10. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, na 49. redovnoj sjednici održanoj 09.01.2020. godine, donijelo

ODLUKU

O OBJAVLJIVANJU JAVNOG OGLASA ZA IMENOVANJE JEDNOG ČLANA OPĆINSKE IZBORNE KOMISIJE CENTAR SARAJEVO

Član 1.

Ovom Odlukom utvrđuje se raspisivanje javnog oglasa za imenovanje 1 (jednog) člana Općinske izborne komisije Centar Sarajevo (u daljem tekstu: Općinske izborne komisije) i utvrđuje tekst javnog oglasa.

Član 2.

Javni oglas iz člana 1. ove Odluke objavit će se najmanje u jednom od dnevnih listova koji izlaze na području Bosne i Hercegovine, na web stranici i oglasnoj ploči Općine Centar. Javni oglas iz člana 1. ove Odluke ostaje otvoren 15 (petnaest) dana od dana objavljivanja u dnevnom listu.

Član 3.

- (1) Kandidat za člana Općinske izborne komisije treba ispunjavati opće uslove propisane članom 2.2. stav (1) i (2) Izbornog zakona Bosne i Hercegovine:
- da je osoba sa pravom glasa;
 - da je osoba sa odgovarajućom stručnom spremom i iskustvom u provedbi izbora;

- Pored općih uslova kandidat treba ispunjavati i posebne uslove propisane članom 2. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini:
 - da ima prebivalište na području općine Centar Sarajevo;
 - da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ETCS;
 - da posjeduje iskustvo u provođenju izbora.
- Pod iskustvom u provođenju izbora podrazumijeva se:
 - članstvo u izornoj komisiji i
 - članstvo u biračkom odboru na izborima obuhvaćenim Izbornim zakonom BiH.
- Izuzetno od odredbe stava (2) alineja c) i stava (3) ovog člana, član izborne komisije može biti osoba koja ima VII/1 stepen stručne spreme, završen pravni fakultet, odnosno završen pravni fakultet Bolonjskog sistema studiranja sa najmanje 180 ETCS, bez izbornog iskustva navedenog u tački II, stav 2.

Član 4.

Mandat člana Općinske izborne komisije traje 7 (sedam) godina i teče od dana davanja saglasnosti Centralne izborne komisije Bosne i Hercegovine na odluku o imenovanju člana Općinske izborne komisije donesenu od strane Općinskog vijeća.

Član 5.

- Postupak po raspisanom javnom oglasu provest će Konkursna komisija (u daljem tekstu: konkursna komisija).
- Zadatak konkursne komisije iz prethodnog stava je:
 - da pregleda pristigle prijave na javni oglas i utvrdi njihovu blagovremenost, urednost i formalnu ispravnost;